

SW- DEXASONE TABLET

Dexamethasone (0.5mg)

Apakah yang ada pada risalah ini

1. Apakah kegunaan SW-Dexasone Tablet
2. Bagaimana SW-Dexasone Tablet berfungsi
3. Sebelum menggunakan SW-Dexasone Tablet
4. Cara menggunakan SW-Dexasone Tablet
5. Semasa menggunakan SW-Dexasone Tablet
6. Kesan-kesan sampingan
7. Cara penyimpanan dan pelupusan SW-Dexasone Tablet
8. Maklumat Lanjut
9. Pengilang dan Pemegang Pendaftaran Produk
10. Tarikh kemaskini RiMUP

Apakah kegunaan SW-Dexasone Tablet

Ia digunakan untuk kekurangan adreno-kortikal (hormon kortisol) primer atau sekunder, penyakit reumatik (melibatkan otot, tendon, sendi dan tulang), penyakit kolagen (*systemic lupus erythematosus*), penyakit kulit (*pemphigus*, psoriasis yang teruk, *dermatitis seborrheic* teruk), asma bronkial, penyakit mata (radang mata, herpes zoster *ophthalmicus*, konjunktivitis alahan), gangguan darah, penyakit kanser (leukemia), keadaan bengkak dan penyakit gastrousus (ulser kolitis).

Bagaimana SW-Dexasone Tablet berfungsi

Bahan aktif dalam ubat ini adalah Dexamethasone. Ia mempunyai keupayaan untuk mencegah atau menyekat pembentukan haba, kemerahan, bengkak dan kegatalan tempatan di mana keradangan boleh dikesan pada peringkat awal melalui mata kasar. Pada peringkat mikroskopik, ia bukan sahaja boleh menghalang keradangan awal tetapi manifestasi yang berlaku kemudian.

Glucocorticoid yang wujud secara semula jadi yang juga mempunyai ciri-ciri pengekalan garam, digunakan sebagai terapi penggantian ketika keadaan kekurangan adrenokortikal (hormon). Analog sintetik termasuk dexamethasone banyak digunakan terutamanya untuk kesan anti-radang yang poten dalam gangguan sistem organ. Glukokortikoid boleh menyebabkan pelbagai kesan metabolik. Ia boleh mengubah tindak balas imunisasi badan seseorang.

Sebelum menggunakan SW-Dexasone Tablet

- Bila tidak boleh menggunakan

Jangan gunakan SW-Dexasone Tablet jika: -

- anda mempunyai jangkitan kulat sistemik.
- anda mempunyai Hipersensitiviti kepada dexamethasone atau mana-mana bahan kandungan yang disenaraikan pada akhir risalah ini.
- anda disuntik dengan vaksin virus hidup

- Sebelum menggunakan SW-Dexasone Tablet

Beritahu doktor anda sebelum mengambil ubat ini jika anda:-

- mempunyai kegagalan jantung kongestif
- mempunyai kencing manis
- mempunyai masalah buah pinggang kronik
- mempunyai tekanan darah tinggi
- baru selepas pembedahan usus
- mempunyai penyakit berjangkit
- mempunyai kelemahan otot
- mempunyai radang mata disebabkan oleh virus herpes simplex
- mempunyai penyakit batuk kering
- mempunyai hipotiroidisme (penyakit tiroid kurang aktif)
- warga tua
- sirosis (luka pada hati)

Kortikosteroid boleh menutup beberapa tanda-tanda jangkitan, dan jangkitan baru mungkin muncul semasa penggunaannya.

Penggunaan kortikosteroid yang berpanjangan boleh menghasilkan katarak (kekaburan kanta mata) dan glaukoma (peningkatan tekanan dalam mata) dengan kerosakan pada saraf mata, dan mungkin meningkatkan risiko jangkitan mata sekunder disebabkan oleh kulat atau virus.

Mengandung dan penyusuan bayi

Beritahu doktor anda jika anda mengandung, merancang untuk mengandung atau menyusukan bayi. Ia tidak digalakkan untuk wanita hamil dan ibu menyusu kecuali manfaat yang dijangka melebihi potensi risiko. Kortikosteroid boleh didapati dalam susu ibu dan boleh menyebabkan kesan sampingan yang tidak diingini.

- Jika mengambil ubat-ubat lain

Terdapat beberapa ubatan yang boleh berinteraksi dengan SW-Dexasone Tablet. Adalah penting untuk memberitahu doktor atau ahli farmasi anda mengenai semua ubat-ubatan yang anda ambil, termasuk yang tanpa preskripsi doktor. Anda perlu berbincang

dengan doktor atau ahli farmasi anda jika anda sedang mengambil seperti berikut: -

- Aspirin, rawatan untuk sakit dan keradangan
- Phenytoin dan phenobarbital, rawatan untuk sawan
- Ephedrine, untuk asma
- Rifampicin, rawatan untuk jangkitan bakteria
- Antikoagulan coumarin (rawatan untuk cairkan darah)
- Diuretic, sebagai tablet air

Cara menggunakan SW-Dexasone Tablet

- Berapa banyak harus digunakan

Anda perlu mengambil SW-Dexasone Tablet dengan tepat seperti yang dinasihatkan oleh doktor atau ahli farmasi. Jumlah yang anda ambil setiap hari bergantung kepada keadaan anda. Jangan mengambil lebih atau kurang daripada apa yang doktor anda tetapkan.

Dos awal berbeza dari 0.75 hingga 9mg sehari bergantung kepada penyakit yang dirawat. Bagi penyakit yang kurang serius, dos yang lebih rendah daripada 0.75 mg mungkin memadai, manakala dalam penyakit yang teruk, dos yang lebih tinggi daripada 9mg mungkin diperlukan.

- Bila perlu digunakan

Gunakan SW-Dexasone Tablet apabila diperlukan dan mengikut preskripsi doktor.

- Berapa lama perlu digunakan

Ia adalah penting untuk mengambil SW-Dexasone Tablet dalam tempoh yang ditetapkan oleh doktor anda.

- Jika terlupa menggunakan

Ambil dos yang terlepas sebaik sahaja anda ingat. Jika ia hampir masa untuk dos seterusnya, tunggu sehingga itu untuk mengambil dos yang seterusnya dan abaikan dos yang terlepas. Jangan ambil dos berganda untuk menggantikan dos yang tertinggal.

- Jika mengambil berlebihan (terlebih dos)

Hubungi doktor anda dengan segera atau pergi ke Jabatan Kecemasan hospital terdekat, jika anda atau sesiapa terambil dos berlebihan. Ini perlu dilakukan walaupun tiada sebarang kesan keracunan atau rasa tidak selesa. Anda mungkin memerlukan perhatian perubatan segera.

Semasa menggunakan SW-Dexasone Tablet

-Perkara yang perlu dilakukan

- Ambil ubat anda seperti doktor anda telah memberitahu anda.
- Beritahu semua doktor, doktor gigi dan ahli farmasi yang merawat anda bahawa anda mengambil SW-Dexasone Tablet.
- Beritahu doktor anda dengan segera jika anda mengandung semasa mengambil ubat ini.

-Perkara yang tidak perlu dilakukan

- Jangan berhenti mengambil ubat kecuali dinasihatkan oleh doktor anda kerana pemberhentian kortikosteroid yang terlalu cepat boleh menyebabkan kekurangan adrenokortikal dan boleh dikurangkan dengan pengurangan dos secara beransur-ansur. Yang lain mungkin termasuk demam, sakit otot dan sendi serta rasa tidak sedap badan.
- Jangan mengambil sebarang ubat baru tanpa berbincang dengan doktor anda.
- Jangan berikan SW-Dexasone Tablet kepada orang lain, walaupun mereka mempunyai simptom atau keadaan seperti anda.

- Perkara yang perlu diberi perhatian

Jika anda mengalami sebarang kesan sampingan, rujuk kepada doktor atau ahli farmasi anda untuk mendapatkan nasihat.

Kesan-kesan sampingan

Seperti ubat-ubatan lain, SW-Dexasone Tablet boleh menyebabkan kesan sampingan, walaupun bukan semua orang akan mengalaminya. Kesan sampingan termasuk gangguan cecair dan elektrolit, kelemahan otot, osteoporosis (tulang rapuh), radang pankreas akut, sindrom cushing, terencat pertumbuhan, haid tidak tetap, peningkatan tekanan dalam mata, gangguan penglihatan, manifestasi kencing manis terpendam, ulser perut mungkin dengan penembusan dan pendarahan, penyembuhan luka terjejas, sawan dan peningkatan tekanan di dalam otak dengan bengkak pada saraf mata.

Kesan sampingan lain yang tidak disenaraikan di atas mungkin juga boleh berlaku pada sesetengah orang. Sila rujuk kepada doktor atau ahli farmasi jika anda mengalami simptom-simptom lain semasa mengambil ubat ini.

Anda boleh melaporkan sebarang kesan sampingan atau kesan adwers ubat kepada Pusat Pemantauan Kesan Adwers Ubat Kebangsaan melalui No.Tel : 03-78835550, atau laman web portal.bpfk.gov.my (*Consumers→Reporting*)

Cara penyimpanan dan pelupusan SW-Dexasone Tablet

- Penyimpanan

Simpan pada suhu 30°C. Lindungi daripada cahaya.

- Pelupusan

Ubat-ubatan tidak harus dilupuskan melalui air buangan atau sisa isi rumah. Sila rujuk kepada ahli farmasi anda mengenai cara untuk melupuskan ubat yang tidak diperlukan lagi. Langkah-langkah ini dapat membantu melindungi alam sekitar.

Maklumat lanjut

- Rupa dan warna produk

Tablet bulat, rata dan berwarna putih dengan ukiran 'SW' di satu permukaan.

-Bahan-bahan kandungan

- Bahan-bahan aktif
Dexamethasone

- Bahan- bahan tidak aktif

- Lactose
- Maize Starch
- Magnesium stearate

- Nombor MAL

MAL06071071AS
MAL19870650A

Pengilang

(MAL19870650A)
Sunward Pharmaceutical PTE.LTD
No.11, Wan Lee Road, 627943,
Singapore.

(MAL06071071AS)
Sunward Pharmaceutical Sdn. Bhd.
No. 9,11 & 17, Jalan Kempas 4, Taman
Perindustrian Tampoi Indah, 81200
Johor Bahru, Johor, Malaysia.

Pemegang Pendaftaran Produk

Sunward Pharmaceutical Sdn. Bhd.
No.9,11 & 17, Jalan Kempas 4, Taman
Perindustrian Tampoi Indah, 81200
Johor Bahru, Johor, Malaysia.

Tarikh Kemaskini RiMUP

29/12/2015

Nombor siri

BPFK(R4/1)301115/00467